

## Reit KPJ raih anugerah IFN

DUBAI 13 Mac – Al-‘Aqar KPJ Reit, Reit penjagaan kesihatan Islam pertama Malaysia yang diterbitkan oleh KPJ Healthcare Bhd, berjaya menggondol anugerah I-Reit Deal of the Year 2006 Islamic Finance News (IFN).

Ketua Eksekutif Johor Corporation (JCorp) Tan Sri Muhammad Ali Hashim, yang menerima anugerah tersebut di satu majlis, di sini, pada Isnin, berkata, kemenangan tersebut merupakan satu kejutan yang tidak disangka.

“Kami tidak menjangkakan perkara ini apabila kami mula menyusun Reit (Amanah Pelaburan Hartanah) tersebut.

“Bagaimanapun, anugerah ini akan memantapkan lagi misi kami untuk membangunkan skim, terutamanya untuk menjalankan perniagaan kami dengan berlandaskan prinsip-prinsip syariah,” katanya semasa ditemui di majlis tersebut.

– Bernama